



CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICA E XUSTIZA DA XUNTA DE GALICIA E UNICEF COMITÉ ESPAÑOL PARA ACTUACIÓN DE CONSOLIDACIÓN DE CONTORNOS PROTECTORES PARA A INFANCIA E A ADOLESCENCIA NA HABANA VELLA, CUBA. 2020

COMPARECEN

Dunha parte, Alfonso Rueda Valenzuela, vicepresidente e conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

E doutra parte, Myriam Garabito Cociña, con DNI 02895508S, en calidade de presidenta de UNICEF Comité Galicia, en nome e representación da Fundación UNICEF Comité Español, entidade sen fins lucrativos, con NIF G84451087.

As partes comparecentes recoñécense mutuamente plena lexitimación, capacidade e representación para a sinatura do presente convenio e, a estes efectos,

EXPOÑEN

Primeiro.- Que a Xunta de Galicia, de acordo co exercicio das súas competencias e funcións en materia de cooperación exterior, debe impulsar e promover a participación social e cívica nas accións de cooperación ao desenvolvemento mediante a realización ou financiamento de accións de concienciación, sensibilización e formación sobre a conexión existente entre as dinámicas locais e as desigualdades internacionais e a loita contra a pobreza, así como fortalecer o tecido galego de axentes de cooperación para o desenvolvemento, e fomentar a creación de redes de traballo conxunto, evitando a dispersión e aumentando a coordinación e concentración de esforzos.

Segundo.- Que unha das prioridades sectoriais establecidas na Lei 3/2003, do 19 de xuño, de cooperación para o desenvolvemento, é a da potenciación dos axentes de cooperación ao desenvolvemento de Galicia co fin de crear unha rede de solidariedade na nosa sociedade.



Terceiro.- De conformidade co previsto no IV Plan director da cooperación galega 2018-2021 aprobado polo Parlamento de Galicia, un dos ámbitos estratéxicos da cooperación galega é a promoción do exercicio dos dereitos sociais básicos, entre os que se atopa o dereito humano ao acceso á educación inclusiva de calidade, pública e universal para todas as persoas ao longo de toda a vida.

Cuarto.- Que a Lei 3/2003, do 19 de xuño, de cooperación para o desenvolvemento, alude ás ONGD, como entidades con especial dedicación a actividades de solidariedade da sociedade galega cos pobos mais desfavorecidos, constituíndose como interlocutores permanentes da Xunta de Galicia nesta materia.

Quinto.- Que o Fondo de Nacións Unidas para a Infancia (UNICEF) ten personalidade xurídica propia e plena capacidade de obrar e conta asemade con experiencia e competencias en materia de cooperación para o desenvolvemento, e de Educación para o Desenvolvemento en particular.

Sexto.- Que UNICEF Comité Español é un dos 37 Comités Nacionais do Fondo das Nacións Unidas para a Infancia (UNICEF) Organismo Multilateral das Nacións Unidas, con personalidade xurídica propia e plena capacidade de obrar para administrar e dispoñer dos seus bens a fin de poder levar a cabo os seus fins sociais e que está formado por 17 Comités autonómicos, entre os que se atopa UNICEF Comité Autonómico de Galicia que contribúe co traballo que realiza no seu ámbito de actuación á defensa dos dereitos da infancia.

Sétimo.- Que UNICEF Comité Español ten previsto a realización dun proxecto de consolidación de contornos protectores para a infancia e a adolescencia na Habana Vella, Cuba. 2020, que ten como obxectivo consolidar capacidades profesionais, institucionais e comunitarias e espazos protectores para nenos, nenas e adolescentes, coa prevención de diversos tipos de violencia, incluíndo a violencia baseada no xénero e nos escenarios dixitais; a promoción dunha socialización positiva e unha cultura de paz na vida cotiá; e a xeración de actividades e produtos comunicativos sobre estes temas. Tendo en conta ás afectacións da pandemia de COVID-19 en todo o mundo, e en particular no país, propóñense accións que favorezan o retorno ás súas actividades habituais do Centro de Adolescentes e demais espazos do Centro Histórico dedicado a nenas, nenos e adolescentes, en condiciones seguras de hixiene.

Oitavo.- Que a Dirección Xeral de Relacións Exteriores e coa UE, órgano superior da Administración autonómica da cooperación ao desenvolvemento consonte o establecido no artigo 34 do Decreto 74/2018, do 5 de xullo, polo que se establece a estrutura orgánica da



Vicepresidencia e Consellería de Presidencia, Administracións Públicas e Xustiza, é o órgano superior da administración autonómica ao que lle corresponde a execución da actividade europea e a actividade exterior da Xunta de Galicia e, en particular, o impulso da acción de cooperación ao desenvolvemento.

Noveno.- A especificidade das actividades obxecto do proxecto son de claro interese público e, aínda que dirixidas a un grupo de poboación específico pola súa idade, inciden directamente no ámbito da cidadanía en xeral por canto engaden un factor multiplicador na prevención da exclusión social e da cronificación da pobreza, e xustifican que a axuda solicitada se tramite por medio dunha concesión directa a través da formalización dun convenio de colaboración.

Décimo.- Que, en base ao anteriormente exposto, acordan asinar o presente documento que se desenvolverá de acordo coas seguintes

CLÁUSULAS

PRIMEIRA.- Finalidade e obxecto

O presente acordo ten a finalidade de establecer o marco de colaboración entre a Vicepresidencia e Consellería de Presidencia, Administracións Públicas e Xustiza da Xunta de Galicia e UNICEF Comité Español para a execución do proxecto Consolidación de contornos protectores para a infancia e a adolescencia na Habana Vella, Cuba. 2020, que ten como obxectivos consolidar capacidades profesionais, institucionais e comunitarias e espazos protectores para nenos, nenas e adolescentes, coa prevención de diversos tipos de violencia, incluíndo a violencia baseada no xénero e nos escenarios dixitais; a promoción dunha socialización positiva e unha cultura de paz na vida cotiá; e a xeración de actividades e produtos comunicativos sobre estes temas, así como apoiar o retorno as súas actividades habituais en contornos protectores en condicións hixiénicas seguras, logo do fin da situación epidemiolóxica provocada polo COVID-19.

Para a realización deste proxecto realizaranse unha serie de talleres agrupados nos resultados establecidos no anexo que acompaña ao presente convenio.

SEGUNDA.- Información

UNICEF Comité Español comprométese a achegar información continua sobre as circunstancias ou novidades de avance e estado de execución do presente convenio,



respondendo de forma inmediata ante calquera aclaración ou ampliación de información que se lle requira.

No caso de que algunha das actividades avanzadas non fose compatible coas políticas públicas e principios xerais postulados pola Comunidade Autónoma de Galicia, a Vicepresidencia e Consellería de Presidencia, Administracións Públicas e Xustiza poderá esixir a non imputación dos seus recursos financeiros a tal actividade.

TERCEIRA.- Obrigas de UNICEF Comité Español

UNICEF Comité Español comprométese e obriga a:

1. Executar o conxunto das accións necesarias para a súa consecución, mediante a realización das actuacións que ambas as partes acorden entre si, conforme ao establecido no artigo 26 da Lei 9/2007, do 13 de xuño, de subvencións de Galicia.
2. Destinar os fondos percibidos para financiar esa actuación.
3. Consentir expresamente a publicación da axuda concedida no Diario Oficial de Galicia, na páxina web oficial e nos rexistros públicos, de acordo co establecido no artigo 15, da Lei 1/2016, do 18 de xaneiro, de transparencia e de bo goberno; no Decreto 126/2006, do 20 de xullo, polo que se regula o Rexistro de Convenios da Xunta de Galicia; no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006; e no artigo 16 da Lei 9/2007, do 13 de xuño, de subvencións de Galicia.
4. De acordo co disposto na Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o Regulamento da Lei de subvencións de Galicia, UNICEF Comité Español comprométese a dar adecuada publicidade do carácter público do financiamento das actuacións obxecto do convenio, o cumprimento de todas as condicións e obrigacións recollidas no mesmo e o sometemento ás actuacións de supervisión e control previstas, así como as xerais derivadas da aplicación da normativa de axudas e subvencións.
5. Prestar a colaboración e facilitar canta documentación sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.
6. Conservar todos os comprobantes de gasto durante un período de 4 anos, coa excepción dos casos suficientemente xustificadas e autorizados pola Dirección Xeral de Relacións Exteriores e coa UE.
7. Xustificar, mediante declaración asinada e previamente ao cobro de calquera dos pagamentos da subvención, estar ao corrente no cumprimento das obrigas tributarias e





fronte á Seguridade Social española e non ter pendente de pagamento ningunha outra débeda coa Administración pública da Comunidade Autónoma de Galicia, nin ser debedora por resolución de procedencia de reintegro. A entidade, conforme co establecido no artigo 20.3 da Lei 9/2007, do 13 de xuño, de subvencións de Galicia, autoriza ao órgano xestor para solicitar as certificacións que deban remitir a Axencia Estatal da Administración Tributaria, a Tesourería da Seguridade Social e a Consellería de Facenda da Xunta de Galicia.

8. Velar porque tanto os restantes partícipes como a cidadanía con ela relacionada teñan coñecemento do financiamento desembolsado pola Xunta de Galicia e do apoio desta á acción humanitaria.

CUARTA.- Obrigas da Vicepresidencia e Consellería de Presidencia, Administracións Públicas e Xustiza

A Vicepresidencia e Consellería de Presidencia, Administracións Públicas e Xustiza financiará o proxecto cunha contía total de corenta mil euros (40.000,00 €) con cargo á aplicación orzamentaria 05.26.331A.490.0.

A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio coa Xunta de Galicia, de tal maneira que por este concepto non se poderá esixir responsabilidade algunha, nin directa nin subsidiaria.

QUINTA.- Pagamentos e anticipos

Tras a sinatura do presente convenio e previa petición de UNICEF Comité Español, a Dirección Xeral de Relacións Exteriores e coa UE, tendo en conta o carácter sen ánimo de lucro da entidade, concederá un anticipo pola contía total financiada, de acordo co previsto na disposición adicional segunda da Lei 9/2007, do 13 de xuño, de subvencións de Galicia, para afrontar os pagos inmediatos que leva a execución deste proxecto.

Coa solicitude do anticipo deberá presentar:

- Declaración do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Xustificación de estar ao corrente no cumprimento das obrigacións tributarias e fronte á Seguridade Social española e non ter pendente de pago ningunha outra débeda coa



Administración Pública da Comunidade Autónoma de Galicia, nin ser debedor por resolución de procedencia de reintegro, de acordo co establecido no artigo 22.1, do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de Subvencións.

Os fondos faranse chegar por transferencia bancaria á conta corrente que a UNICEF Comité Español indique, non asumindo a Xunta de Galicia o risco de flutuación no tipo de cambio oficial nin os gastos bancarios que tivesen lugar por ese motivo, dando a orde de transferencia en euros.

SEXTA.- Xustificación

A xustificación da execución do proxecto efectuarase por parte de UNICEF Comité Español nun prazo máximo de tres meses, a contar dende a finalización das actividades programadas, de conformidade co establecido no artigo 28 da Lei 9/2007, do 13 de xuño, de subvencións de Galicia, e con data límite do 31 de marzo de 2021.

A xustificación final do destino dos fondos entregados farase conforme ao establecido no Acordo Marco de Cooperación entre o Reino de España e o Fondo de Nacións Unidas para a Infancia (UNICEF) asinado en Madrid o 25 de febreiro de 2004 e publicado no Boletín Oficial do Estado núm.130, do 1 de xuño de 2005, presentando:

- Informe final sobre o conxunto de tarefas realizadas, con mención dos resultados obtidos.
- Certificación asinada dixitalmente pola persoa que desempeñe a representación legal acreditativa do cumprimento da finalidade para a que foi concedida a subvención e da aplicación dos fondos á finalidade destinada.
- Certificación asinada dixitalmente pola persoa que desempeñe a representación legal dos gastos realizados na execución deste convenio, expedida pola secretaría de UNICEF Comité Español.
- Remittance Advice: documento xustificativo da transferencia dos fondos desde UNICEF Comité Español, con indicación expresa do doante, a cantidade e o proxecto ao que se destinan os fondos.
- Official Receipt: certificado de recepción dos fondos remitidos pola oficina central de UNICEF.
- Certificación da subvención recibida, asinada polo/a director/a de Administración e Finanzas de UNICEF Comité Español, detallando o destino dos fondos na realización do proxecto.
- Declaración do conxunto das axudas recibidas doutras entidades públicas ou privadas para o mesmo fin de acordo co establecido nos artigos 11 letra d) da citada Lei





9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A alteración das condicións tidas en conta para a concesión das subvencións e, en todo caso, a obtención concorrente de axudas outorgadas por outras administracións, entes públicos ou privados, poderá dar lugar á modificación da resolución de concesión.

Esta subvención será compatible con calquera outra procedente doutras administracións públicas ou entes públicos ou privados para a mesma finalidade.

Os rendementos financeiros que fosen xerados polos fondos librados aos beneficiarios incrementarán o importe da subvención concedida e aplicaranse igualmente ás actividades subvencionadas.

SÉTIMA.- Facultades de inspección

A Vicepresidencia e Consellería, a través dos seus servizos técnicos, reservarase a facultade de realizar as inspeccións e comprobacións que considere necesarias co fin de asegurar o cumprimento das normas e requisitos cos que se concede esta axuda.

OITAVA.- Seguimento do convenio

Para facilitar o seguimento e cumprimento do convenio constituirase unha Comisión Mixta, integrada por un representante da Vicepresidencia e Consellería de Presidencia, Administracións Públicas e Xustiza, designado pola Dirección Xeral de Relacións Exteriores e coa UE, e un representante de UNICEF Comité Español.

A Comisión Mixta ditará as súas propias normas de funcionamento, debéndose reunir cando o solicite algunha das partes. As súas funcións serán:

- Interpretación do convenio.
- Intervención previa á resolución por incumprimento.
- Calquera outra relacionada co desenvolvemento do presente convenio.

NOVENA.- Causas de resolución

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) Pola aplicación dos fondos para fins distintos dos que motivaron a concesión.



- c) Polo transcurso do tempo fixado sen que se execute o investimento obxecto da subvención.
- d) Pola desistencia de UNICEF Comité Español.

De resolverse o convenio, a Vicepresidencia e Consellería poderá, no seu caso, esixir o reintegro das cantidades abonadas. Igualmente, de conformidade co disposto no artigo 17.3 da Lei 9/2007, do 13 de xuño, procederá ao reintegro do exceso percibido no caso de que o importe da axuda, illada ou en concorrencia con subvencións ou axudas, ingresos ou recursos, supere o custo da actividade subvencionada.

DÉCIMA.- Vixencia do Convenio

O presente convenio manterá a súa vixencia ata o 31 de decembro de 2020, incluíndo as actuacións iniciadas dende o mes de xaneiro de 2020, conforme ao establecido nos artigos 2, apartado 1.b) da Lei 9/2007 de subvencións de Galicia, e 2.2.b do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, sen prexuízo da execución anticipada e conforme, a plena satisfacción, dos gastos cofinanciados pola achega da Xunta de Galicia.

UNDÉCIMA.- Natureza do Convenio

O presente convenio ten natureza administrativa e as discrepancias que xurdan pola súa aplicación serán resoltas no prazo dun mes, previo informe ou proposta da comisión de seguimento, pola Vicepresidencia e Consellería de Presidencia, Administracións Públicas e Xustiza, quedando as partes suxeitas á xurisdición contencioso administrativa, nos termos establecidos na Lei 29/1998, do 13 de xullo, reguladora da Xurisdición Contencioso-Administrativa para a resolución de calquera conflito que puidese xurdir na súa aplicación.

DUODÉCIMA.- Portal da Transparencia

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no mesmo, poidan ser publicados no Portal da Transparencia e Goberno Aberto.

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicárase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.





DÉCIMO TERCEIRA. - Reintegro por incumplimento

Se a entidade beneficiaria incorrese en falsidade ou ocultación de datos ou non acreditase, total ou parcialmente, o bo fin das cantidades percibidas, deberá proceder ao reintegro da totalidade das mesmas en caso de incumplimento pleno, ou da parte proporcional en caso dunha falta parcial de xustificación, sen prexuízo da esixencia das responsabilidades administrativas e penais que procedan.

Así mesmo, a entidade beneficiaria deberá reintegrar a subvención nos demais supostos previstos na normativa de aplicación.

DÉCIMO CUARTA. - Normativa aplicable

O presente convenio rexerase polo disposto na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia; na Lei 1/2016, do 18 de xaneiro, de transparencia e bo goberno; na Lei 6/2019, do 23 de decembro, de orzamento xerais da Comunidade Autónoma para o ano 2020; no Decreto 29/2017 do 9 de marzo, de cooperación para o desenvolvemento e demais normativa que sexa de aplicación.

E, en proba de conformidade co expresado neste convenio, asínase electronicamente na data que figura á marxe

POLA XUNTA DE GALICIA

POR UNICEF COMITÉ ESPAÑOL

O VICEPRESIDENTE E CONSELLEIRO
DE PRESIDENCIA, ADMINISTRACIÓNS
PÚBLICAS E XUSTIZA

A PRESIDENTA DO COMITÉ DE
GALICIA

Alfonso Rueda Valenzuela

Myriam Garabito Cociña



ANEXO

Obxectivo xeral: Consolidación de contornos protectores para nenos, nenas e adolescentes na Habana Vella.

Obxectivo específico 1 : Consolidar capacidades profesionais, institucionais e comunitarias e espazos protectores para nenos, nenas e adolescentes; coa prevención de diversos tipos de violencia, incluíndo a violencia baseada no xénero e nos escenarios dixitais; a promoción dunha socialización positiva e unha cultura de paz na vida cotiá; e a xeración de actividades e produtos comunicativos ao redor destes temas.

Obxectivo específico 2 : Apoiar o retorno as súas actividades habituais en contornos protectores en condicións hixiénicas seguras, logo do fin da situación epidemiolóxica provocada polo COVID-19.

2.- RESULTADOS

Resultado 1: Fortalecemento de capacidades profesionais, institucionais e comunitarias para a consolidación de contornos protectores para a infancia e a adolescencia, a partir de accións de capacitación de profesionais / actores sociais en temas como prevención da violencia, socialización positiva, uso responsable das TICs, inclusión de persoas con discapacidades, con enfoque de xénero e dereitos.

Resultado 2: Preparación de nenos, nenas e adolescentes nos temas sinalados, a través de talleres de apreciación e creación e doutros servizos institucionais, como as consellerías, que teñen como eixo a cultura e o patrimonio e tributan á protección integral.

Resultado 3: Xeración de produtos comunicativos, presentacións públicas e outras accións de visibilidade coa participación de nenos, nenas e adolescentes, para fomentar unha socialización positiva e unha cultura de dereitos e equidade.

3.- FINANCIAMENTO

Partidas orzamentarias	Xunta de Galicia. Ano 2020
Gastos de persoal	16.153,50 €
Gastos de mantemento e actividades	20.283,54 €
Gastos en viaxes e aloxamento	600,00 €
Gastos indirectos	2.962,96 €
TOTAL	40.000,00 €

